

輿地四

古蹟 冢墓

天津縣

泉州故城在府西北漢置縣屬漁陽郡後魏省舊通

志水經注清河東北至泉州縣北入滹沱又沽河

東南逕泉州縣故城東王莽之泉調也水經注按通

志武清縣又有泉州城在縣東南四十里元順帝

常幸此記曰帝幸泉州是也又按武清縣志今縣

治爲元時所遷漢縣故城在縣東南四十里天寶

重修天津府志

卷二十二

古蹟

光緒戊戌

初移雍奴縣治於武清今城東十里舊城在焉據

此則有漢故城又有古武清城有元時所遷城有

雍奴城及天津西北一城凡五城然據史魏併泉

州入雍奴唐改雍奴爲武清則雍奴卽武清矣其

所謂城東十里舊城者若以城爲武清城城東十

里舊城爲雍奴城則雍奴武清本無二城若謂一

爲泉州城一爲雍奴城則兩縣相去不應止於十

里以諸志斷之武清只應有漢泉州一城雍奴一

城卽武清元所遷一城凡三城據漢書沽水至泉州

大海則泉州當在三岔河之北雍奴又當在泉州

之北通志武清縣之泉州則當是漢之雍奴府西

北之泉州則漢泉州耳存以備考可也前志

俞宗濂按今武清縣城為元時所遷其東十里之故城乃漢之雍奴而唐改名武清者也其東南四十里之故城及漢之泉州武清縣志本不誤所誤者僅移雍奴縣治於武清一語然未嘗別言有雍奴故城也且縣志明言今城為元時所遷是元以前本無此城前志謂一為泉州一為雍奴兩縣相去不應止於十里此乃自生疑障非縣志之咎也前志謂武清縣之泉州是漢雍奴府西北之泉州乃漢泉州更屬臆斷若武清之泉州故城為漢雍奴則唐所改名武清者亦即此城而今武清縣城東十里之故城將何屬乎凡言古地理者必有遺址可據方能知其為古何地泉州遺址存否不可知而武清縣志則固尚有里數可考通志謂在府西北既無遺址又無里數安能決其在境內也

角飛城在府東舊通志清河又東逕漂榆邑故城南

重修天津府志 卷二十二 古蹟 二 光緒戊戌

俗謂之角飛城趙記石勒使王述煮鹽於角飛即

城異名矣水經注按角飛城即漂榆故城方輿紀要

漂榆津在鹽山縣東北百里其說與通志不同水

經清河東北過漂榆邑酈道元曰漂榆故城趙記

石勒使王述煮鹽於角飛是矣魏氏土地記高城

東北一百里北盡漂榆東臨巨海民煮海水藉鹽

為業即此城也據史隋改漢高城為鹽山據水經

注清河由東光縣西又東北過南皮縣西又東北

逕浮陽縣西歷濊邑北鄉邑窮河邑南又東北至

泉州縣過漂榆邑入於海又據史浮陽城即清池

故城今舊滄州故城也畿輔通志舊滄州城在今滄州城東南四十里鹽山縣在今滄州東南九十里則在舊城東南五十里水經注濊邑在章武城卽乾符城也方輿紀要在今滄州西北八十里由此而下又歷鄉邑窮河乃至漂榆則漂榆去鹽山不止百里矣且水經注所謂泉州縣卽漢書沽水至泉州入海之泉州也所謂過濊邑北卽潭水篇所謂章武縣西故濊邑也今直沽爲泉州沽水章武濊水及衛河入海之地則漂榆津當在天津故禹貢錐指亦謂漂榆故城在靜海縣畿輔通志天

重修天津府志

卷二十二

古蹟

三光緒戊戌

津府東之說是也方輿紀要屬之鹽山悞前志

軍糧城元海運時屯糧之所舊通志按城在縣東南

七十里通志載寶坻縣東南二百里有軍糧城五代時劉仁恭所作亦曰軍糧城蓋卽此軍糧城也

今入天津界前志

黑堡城在府西二十里地名稍直口舊通志

海津鎮今縣治本名直沽元延祐三年改爲海津鎮至正九年立鎮撫司明永樂初由此南下滄州二年築城置戍三年調天津衛及天津左衛來治四年又調天津右衛治此設兵備道轄之舊志本

邊口關名在良鄉縣北百餘里自永樂改置三衛

天津之名遂移直沽矣大清一統志

乾符砦巷姑砦三女砦泥姑砦小南河砦宋志作河今訛

日滄州清池縣有乾符巷姑三女泥姑小南河五

砦政和二年改巷姑曰海清三女曰三河泥姑曰

河平宋史地理志石晉以瀛莫歸契丹滄州之患益急

周世宗復關南列營戍守宋承其轍有滄州八砦

今見於志者此五砦方輿紀要按宋史河渠志王亞以

海口三女砦天所以限契丹則三女砦在今直沽

海口泥姑砦則方輿紀要謂卽今之小直沽小南

重修天津府志 卷二十二 古蹟 四 光緒戊戌

河砦在小直沽南十里海清砦在興濟縣東北前志

陸公隄在府城西門外

三义沽鹽場元學士王鶚碑云燕京寶坻蘆臺越

支昔日之鹽場也三义沽無鹽一日鹽滷湧出或

經日自生時以爲瑞遂建場俱同上

浣俗亭在戶部分司署內明正德間戶部郎中汪

必東建今廢前志

問津園在城東北錦衣衛橋魯菴張氏別業樹石

蔥蒨亭榭疎曠海內名流過津者無不假館稱爲

小玉山云同上

一畝園在城外東北隅亦張氏別業中有垂虹榭

綠宜亭紅墜樓遂間堂諸勝今與問津園俱廢縣志

中隱園在鹽分司東偏新通志按園址今歸海關道署

沽水草堂在城東南六里安氏別業中饒水竹臺

榭之勝復構邃宇數楹藏弄金石書畫甚富時人

擬之清閼閣差不愧云今廢縣志

水西莊在城西三里芥園查氏別墅地周百畝水

木清華為津門園亭之冠中有攬翠軒枕谿廊數

帆臺藕香榭花影菴碧海浮螺亭泊月舫繡野簃

一犁春雨諸勝

重修天津府志

卷三十二

古蹟

五光緒戊戌

陳元龍水西莊記直沽在京師東南三百里而近

水皆趨赴焉汪洋瀾漫襟帶於三輔拱衛

神

京譬析木之津號為天漢泱泱乎稱天下之巨浸

矣又其地為漕運孔道冠蓋之所往來商賈之所

輻輳舟車絡繹百貨駢填鼓角管絃之聲不絕於

耳遠望滄溟蓬萊臺閣時隱現於波濤杳靄開

若可攬而有也而自元置鎮以來獨未有為園以

收其勝者天行查君夙負異才抱遠識少遊京都

樂津門之雄且沃遂卜居者有年暇日留連水次

有會於心乃選材伐石闢地而構園焉既成亭臺
映發池沼灑抱竹木蔭芘於檐阿花卉繡紛於階
砌其高可以眺其卑可以憩也津門之勝於是乎
得覽於几席矣遂名其園曰水西屬余記之查氏
之族最大遠近分居共居吾邑者如荊州聲山夏
重德尹學菴諸君皆厯通顯負重名聲山德尹每
為子言君乃查氏允宗之子具不世才而未展其
用子甲申假旋道出津門與君相見接其言論丰

采握手傾服如平生歡今予已大耋乞歸君亦年
將古稀矣片帆南下秋氣初澄可以停橈過訪一
攬斯園之盛則又予之幸也君喜交遊重然諾凡
四方士大夫以及文人名士偶有經過周旋傾倒
無倦色以故賢豪長者多樂歸之而斯園亦因以
得名昔鄭當時置驛以通賓客陳遵讌會賓朋投
轄使不得去孔北海座上客常滿樽中酒不空古
今以為美談然諸公皆貴仕登朝人自趨之君身
在湖海無可憑藉而高情曠度使聞風者罔不愛
慕且有園亭池館之勝良辰美景詩酒留連歌詠
太平傳為韻事較之三子又孰多而孰少耶况君
優游泉石養素怡神則將與羨門比壽王喬爭年
而斯園乃塵世之丹邱且令人可望而不可即也
是為記雍正癸丑九月之朔時年八十有二 蔡
啟盛案今又為南運河神廟中尙有
高廟御筆碑旁地列肆蒔花皆寺僧所餽合之誠可百畝
也許

棗香村在城南五里又名南莊童氏別業

重修天津府志

卷三十二

古蹟

六光緒戊戌

懷園在城東南四里王氏別業

南溪在城東南隅牛氏園也曲通濠水樹柳掩映

宛有江南村落風景舊為康氏園

浣花村在水西莊對岸少東遵化州知州杜甲所

居里名

楊園在城西三里許與水西莊相近

郭園在城東南四里懷園對岸郭氏別業

問蓮浦在城西二里野水瀾漫周遭皆種芙蓉中

有水軒數楹以供遊覽今廢

老夫村在開口下龍氏別業舊名甯園

七十二沽草堂在鍋店街後門臨大河梁氏別墅
且亭在西門外演武廳右月隄上康熙閒天津道
朱士傑建亭四周環植楊柳炎日絕無暑氣遊者
忘返今廢

帆齋在三岔河口笨山張氏讀書處又有琴海棠
雲厂閱耕堂茶圃欵乃書屋舊雨亭蝶巢豔雪龕
詩星閣卧松館諸勝大半圯廢

虛舟亭在城南一里許與海光寺相近宋氏別業
也平橋曲榭蘆葦紛披景極幽邃夏時荷開繞亭
望之爛如雲錦

重修天津府志

卷三十二

古蹟

七光緒戊戌

領南軒在城內西北隅名山金氏別業

篆水樓在城外東北隅樓臨三义河口俱同上

望海樓在東城外新通志

銅硯齋在縣境易州農夫耕田獲古錢盈釜石硯
一硯背飾以銅硯佳而製古鄭君宮調得之以贈

津門吳進士念湖遂以名其齋小峴山人集

青縣

參戶故城在縣南漢元朔三年封河間獻王子免
爲侯國屬勃海郡後漢省水經注滸水東北逕參
戶亭應劭曰平舒縣西南五十里有參戶亭故縣

也世謂之平虜城元和志參戶故城一曰木門城
在長蘆縣西北四十里寰宇記在縣城西北四十
六里輿地志云中有大樹因名木門舊志木門鎮

在今縣西南三十里蓋以故城得名

大清一統志

俞宗濂按元和郡縣志參戶故城一名木門城在
長蘆縣西北四十里唐之長蘆縣即今滄州城今
滄州西六里即至青縣界則參戶故城在青縣境
無疑青縣城在滄州西北七十里其東南三十里
有木門城今稱木門店里數與元和志合即漢之
參戶也滄州志亦載有參戶故城云舊志作木門
城引方輿紀要云在滄州城西三里此隋之長蘆
縣故城因舊唐書云漢置參戶後周改長蘆遂謂
之參戶故城又因元和志云參戶故城一名木門
城遂亦謂之木門城其實滄城所有之鄉鎮村莊
並無以木門名者而城西三里適隋縣所在今稱
長蘆鎮其誤可知前志謂即熙甯所省縣則又誤

重修天津府志

卷三十一

古蹟

八光緒戊戌

隋之長蘆在河西唐移治河東熙甯所省實今之州治也

乾甯故城今青縣治

蒲領城在縣界寰宇記水經注云魯城縣西北六
十里漳河西岸有北蒲領故城蓋漢末黃巾之亂
有蒲領人流寓於此遂立此城非漢縣也按今水

經注無此文其漢蒲領縣詳見河閒府阜城縣

興濟故縣在縣東南三十里衛河東岸本范橋鎮

地金初置縣屬滄州大定六年改屬清州元至元

二年併入會川縣後復置屬清州明初仍屬滄州

國朝順治六年併入青縣

俱同上

會川廢縣河閒府志在青縣境舊土城宋析永安縣置乾甯縣卽此大觀元年八月乾甯軍河清七年改清州今廢諸司治所猶有存者方輿紀要今青縣治後周置永安縣宋曰乾甯熙甯六年省爲鎮元符二年復舊崇甯三年再省政和五年又復金人改曰會川元因之明初省 按志言大觀元年河清七日改會川爲清州附郭據金地理志會川本名乾甯貞元二年更名宋安得有會川特刪

之前志

空城在縣西北十五里相傳楊景屯兵處

重修天津府志

卷二十一

古蹟

九 光緒戊戌

蘆臺故城河閒府志在青縣境衛河之西南週迴三十二里唐於此置蘆臺軍遺址尙存太平寰宇記在青縣南乾甯軍本古蘆臺軍地其蘆臺故城在御河南七十步方輿紀要在青縣東衛河西岸九域志云在滄州西北九十里唐置蘆臺軍其城周三里後廢爲馮橋鎮乾甯中復置蘆臺軍亦曰乾甯軍光化三年幽州帥劉仁恭以滄州爲汴將葛從周所圍將兵赴救營於乾甯軍從周留別將守滄州砦自將精兵逆戰於老鴟隄大破之五代梁開平二年劉守文以其弟守光篡逆舉滄德討

之軍於蘆臺爲守光所敗乾化三年晉將周德威攻燕拔其蘆臺軍後唐同光以後以契丹屢入寇蘆臺瓦橋皆增設重兵命將戍守天成二年蘆臺戍軍亂尋擊平之石晉初沒於契丹周顯德六年親征契丹命大帥韓通將前軍自滄州治水道入契丹境柵於乾甯軍南通奏補壞防開遊口三十六遂通瀛鄭旣而周王至乾甯契丹甯州刺史王洪舉城降宋白曰軍城東臨御河接滄幽二州之境周世宗由此復關南自是常爲戍守重地

鈞臺寨方輿紀要在青縣北六里宋置砦於此設

重修天津府志

卷三十二

古蹟

十光緒戊戌

兵戍守又有獨流北獨流東二寨俱在縣境以濱獨流河而名皆宋人所置金廢宋史地理志鈞臺砦獨流北砦獨流東砦當城砦沙渦砦百萬砦俱隸清州乾甯舊縣

堅固砦方輿紀要在青縣南唐太和二年李同捷據滄景叛易定節度使柳公濟討之奏拔其堅固砦唐書時同捷築砦於滄州西抗拒官軍以堅固爲名

范橋鎮金史地理志在會川縣

長蘆鎮新饒安鎮舊饒安鎮乾符鎮郭隆鎮

鎮金史地理志在滄州橫海軍清池縣

永濟隄唐書地理志清池縣西北五十里有永濟隄二永徽二年築

六年築
永濟北隄唐書地理志在清池縣三十里開元十

六年築
明溝河隄唐書地理志清池縣西四十五里有明溝河隄二永徽三年築

李彪浚東隄徒駭河西隄唐書地理志皆在清池縣西五十里永徽三年築

衡漳隄唐書地理志清池縣西北六十里有衡漳

重修天津府志

卷二十一

古蹟

十一 光緒戊戌

隄二顯慶元年築

衡漳東隄唐書地理志在清池縣西北六十里開元十年築

浮河隄陽通河隄唐書地理志皆在清池縣南十五里開元十六年築

老鷗隄方輿紀要在青縣東南舊築隄於此防衛河泛溢以形似名汴將葛從周敗劉仁恭處也俱同

上

神隄河聞府志在青縣南衛河隄上有柳數百株永樂間知縣王彬以河決盡沒民居痛不能救投

水而死屍漂入縣甬道官民憐之遂置祠隄上名曰神隄前志蔡啟盛案縣志惟王彬作王宏毅以外一字不異應據彼正此說詳宦績門青隄周迴城北西南三面

龍窩在縣城外臨河明昭聖皇后誕毓處宏治中敕建宮於梓里御製匾額曰龍窩俱同上

河倉一在清州會川縣一在滄州清池縣一在滄

州南皮縣金史地理志

豐臺在興濟廢縣東有高臺名豐臺或以為望歲而作遺址猶存今縣治東四十里有豐臺堡縣志

峭帆亭在青縣蘆臺城中舊通志

重修天津府志 卷二十三 古蹟 三 光緒戊戌

漱江亭在叔河之西縣志

際槎軒在東河岸久廢同上

靜海縣

窩子口今縣治金史地理志明昌四年以清州窩子口置靖海縣舊志有古城在縣南二十里大清一

統志

當城方輿紀要在楊柳青北十里小直沽南三十里宋志之當城砦也成平中議者以北河可涉宜

有城守以備北邊詔築城其地謂之當城郭謚曰

決黃河御河之水下注當城是也前志

鳳凰臺在靜海縣西五里

舊通志

閱臺在靜海縣衛河西四十里

同上

釣臺在靜海縣南相傳爲太公望釣魚處宋時置

砦於此

名勝志

按畿輔通志有釣魚臺在南皮縣四

十里相傳呂尙囚棘津時釣此又謂釣臺在青縣

北六里以今地輿考之當在青縣靜海界上

前志

滄州

滄州故城在州東南漢置浮陽縣以在浮水之陽

爲名後漢建武十五年封劉植兄歆爲侯國屬勃

海郡後魏太和十一年改置浮陽郡屬瀛州景明

重修天津府志

卷三十二

古蹟

光緒戊戌

初罷并章武熙平二年復置郡屬滄州後移郡置

饒安以浮陽屬之隋開皇十八年改名清池因作

清池爲名唐武德元年移滄州來治其年州移饒

安四年以縣屬景州五年屬東鹽州貞觀元年復

自胡蘇移滄州來治宋金元皆以清池爲州治明

初始省入州又徙州治長蘆明一統志滄州故城

在今州東南四十里舊志一名卧牛城亦名獅子

城

大清一統志

長蘆故城今州治本漢參戶縣地後周大象二年

置長蘆縣以水爲名隋初於縣西北三里置漳河

郡以縣屬之郡尋廢十六年置景州大業三年廢屬河間郡唐武德四年又置景州五年置總管府貞觀元年州廢屬滄州舊治永濟河西開元十四年大雨漂沒十六年移治河東一里宋乾德二年廢入清池後復置熙甯四年又省爲鎮入清池明永樂初移州治於此

浮水故城在州東隋開皇十六年分高城縣置大業初仍省入唐武德五年又置屬東鹽州貞觀元年省十二年移饒安縣治此屬滄州宋熙甯四年省爲鎮入清池金史地理志清池縣有新饒安鎮卽此府志浮水故城在州東五十里案此城自貞觀中爲饒安縣元和志寰宇記皆以饒安爲在州南九十里然考浮水東北流未嘗南出當從府志在州東爲是其在州南者則是干童城也

乾符故城在州東北漢置曰章武縣文帝後七年封竇后弟廣國爲侯國屬勃海郡魏志嘉平元年杜恕徙章武郡蓋魏初置郡也晉移郡治東平舒以縣屬之後魏太和十一年改屬浮陽郡高齊省隋開皇十六年改置魯城縣屬河間郡唐武德四年屬景州貞觀元年改屬滄州元和志縣南至州

一百里寰宇記隋置魯城縣取長蘆縣北平虜城
為名仍改虜為魯唐乾符元年縣東北有野稻水
穀連接二千餘頃燕魏飢民悉來掃拾俗稱聖米
二年敕改為乾符縣周顯德二年併入清池九域
志清池縣有乾符寨金史地理志清池縣有乾符
鎮舊志故城在州東北八十里名勝志魯城在州
東北七十里又三十里為乾符城案寰宇記以乾
符為後魏所置之西章武而以漢章武為在其州
東南鹽山縣西北近志又以漢章武在大城縣參
考道里蓋此為漢章武在大城者乃西章武也

按鹽

重修天津府志

卷三十一

古蹟

五光緒戊戌

山縣志云此城距鹽山迤北一百二十里

章鄉廢縣在州東南漢置元始五年封謝殷為侯
國屬渤海郡後漢省寰宇記十三州志云饒安縣

東南二十里有童鄉亭即故縣童與章字相類也

鹽山縣志定縣章鄉故城考舊志漢時定縣在今境乃輿地紀要定縣屬渤海郡武帝封齊孝王子越為侯邑河閒府志謂後漢省入高城其說郡國志無明文水經注引應劭曰饒安縣東南三十里有定鄉城故縣也屯氏別河北瀆自重合城南東逕定縣南考今山東樂陵南有重合鄉饒安即舊縣其東南皆樂陵地矣前志刪之甚是紀要以定縣入滄州亦誤通志章鄉廢縣在滄州東南漢置渤海郡後漢省寰宇記十三州志饒安縣東南二十里有童鄉亭即章鄉也應在今樂陵地舊志載入鹽山境蓋因誤以非
兮城為饒安耳應刪之

中邑廢縣在州界漢高后四年封朱通爲侯國屬於渤海郡寰宇記後漢省併浮陽今長蘆縣地燕留城在州東北史記燕莊公二十七年山戎來侵齊桓公救燕遂北伐山戎而還燕君送桓公出境桓公因割燕君所至地與燕括地志燕留故城在長蘆縣東北十七里卽齊桓公所與燕君地因築城名曰燕留

麻姑城在州北魏書地形志章武縣有大家姑祠俗云海神或云麻姑神寰宇記廢乾符縣界有麻姑城郡國志云漢武東巡至此祀麻姑故名俱同上

重修天津府志

卷二十二

古蹟

夫光緒戊戌

定縣故城方輿紀要在舊饒安東南三十里漢屬渤海郡武帝封齊孝王子越爲侯邑後漢時省入

饒安縣

前志原註河間府志作定城

重合故城河間府志在滄州治東至樂陵縣五十里本漢縣名屬渤海郡北齊省上同

竈兒坡在定縣城東北百里居民於此煮鹽爲業因名建文二年盛庸等遣將分兵屯滄州燕王曰滄州土城潰圯日久修之不易當乘其未備急攻之遂由通州至直沽謂諸將曰彼所備者惟青縣長蘆今博埽兒竈兒坡數程無水彼不爲備趨此

可逕至滄州城下乃一日夜兼行三百里掩至滄州遂克之又有馬落坡在州東北二十五里元嘗置巡司於此

方輿紀要

金隄滄州志卽今衛河金人築元初復廣之

前志

合口方輿紀要在滄州西水經注衡漳水過渤海建成縣又東左會滹沱別河故瀆又東北入清河謂之合口晉太元十三年後燕慕容楷等將兵會慕容隆於合口擊叛將張申於高城平之隆安二年魏拓跋珪得河北置行營於中山命拓跋遵鎮渤海之合口卽此

重修天津府志

卷二十二

古蹟

七光緒戊戌

馬落坡滄州志在城東北昔有巡檢司世傳小秦王逐鹿落馬處

望海市臺畿輔通志在滄州東四十里滄州志周

穆王乘八駿東遊海上築之以望海市故名

俱同上

望海臺在州東北一名漢武臺水經注清河枝津

東逕漢武帝故臺北魏氏土地記曰章武縣東一

百里有武帝臺南北有二臺相去六十里臺高六

十丈俗云漢武帝東巡海上所築唐實錄貞觀十

九年太宗自高麗班師次漢武臺顧問侍臣對曰

是燕齊之士爲漢武求仙處舊志望海市臺在州

東四十里又有武辛臺在鹽山縣東北七十里水經注浮水所經蓋南臺也大清一統志

東文昌祠臺州志在滄州治東周世宗築此以為邊

堠方輿紀要

狼煙臺周世宗築在長蘆縣內即今州治州志

歇馬臺周世宗立遺址在舊城內同上

掠馬臺在滄州同居鎮長蘆鹽法志

仙人臺在惠民場西北舊有仙人對局棋盤今無

州志

盟亭在州南寰宇記廢長蘆縣有盟亭古燕齊之

重修天津府志

卷二十二

古蹟

大光緒戊戌

界二國嘗盟於此故名大清一統志

望瀛樓在滄州西門外舊志一州之觀久廢河間府志

清風樓在滄州晉泰康中建元薩天錫錄囚駐節

於此有清風樓詩舊通志

南川樓在南關昊天觀後今廢州志

朗吟樓在南關衛河之滸每至夏日郡人多遊息

宴樂於此

將相鄉在舊滄州東南有程家林以唐程日華父

子相繼居此故名俱同上

乍清池在舊清池縣東南十八里方輿紀要

八角井在乍清池北天旱禱雨甚應州志

浮陽縣大蓮淀北魏延興初淀水溢注破乍清村因瀦為池今名大梁五龍堂其流西踰東光東至

海齊乘以為古之胡蘇河也輿地志按滄州志稱在

舊州東南十五里魏延興初大蓮淀水溢注破乍

清村為池又故老謂乍龍注雨淋漓八日夜陷清

池縣因建乍龍堂砌八角琉璃井昔有白魚浮沈

作龍狀每大旱禱雨輒應前志

白兔村在城東周世宗出獵見白兔逐之未獲明

永樂十六年鄉人龐喜得之以獻州志

重修天津府志 卷二十二 古蹟 九 光緒戊戌

甘井在舊城唐書地理志在清池縣舍令毛某母

老苦水鹹無以養縣舍穿地泉湧而甘民謂毛公

井同上

南堂在舊滄州東北一百三十餘步有古碑仆地

金大定十年建立字多缺落今攷殘文及詢故老

以為前代草木叢茂虎狼害人有一僧騎白驃云

自西方來去虎狼之害後不知所終居人因立南

堂奉祀又立中堂北堂以分祈禱多應河開府志

南堂窪在滄州北去中堂窪四十五里有碑云興

唐大定十年敬德修嘉靖二十三年重修前志

蘆池在滄州分司公署前有池一方蘆葦甚茂中架木橋以通來往長蘆之名昉於此相傳宋包孝肅公爲轉運使時池中羣蛙喧沸公示禁之至今蛙出池則鳴入池則默其威懾之遠如此長蘆鹽法志

南皮縣

南皮故城在縣東北秦置縣漢元年項羽聞陳餘在南皮環封之以三縣號成安君文帝後七年封竇彭祖爲侯國屬渤海郡後漢爲郡治建安中曹操擒袁譚於此魏文帝爲五官中郎將射雉南皮亦此地也關駟曰章武有北皮亭故此曰南皮水經

重修天津府志

卷二十三

古蹟

光緒戊戌

注衡漳左會滹沱別河故瀆東北入清河謂之合口又遼南皮縣之北皮亭是也晉魏皆

爲郡治魏書地形志南皮縣有渤海城東魏移郡治東光又移縣

於今治括地志故城在今縣北四里寰宇記齊桓

公北伐山戎至此繕修皮革因築焉續通典南皮

縣西去景州六十里縣北有迎河河北有故皮城

卽漢晉渤海郡治舊河閒府志在縣東北八里大

清一統志

五壘城寰宇記在清池縣西南二里輿地志云漢

宣帝封河閒獻王子雍爲景城侯五子分居城中

俗呼爲五壘城案南皮縣志縣東北五十里有壘

城村蓋卽此

高樂故城在縣東南漢置屬渤海郡武帝封齊孝王子爲侯國後漢省水經注無棣溝經樂亭北又東逕新鄉城北卽地理志高樂故城也寰宇記故城在南皮縣東南三十里今謂之思鄉城亦曰西鄉城縣志卽今董村鎮

北皮城在縣東北水經注清河又北逕皮城東地理風俗記曰南皮城北五十里有北皮城

平城河閒府志河閒獻王子禮封國在今南皮縣臨津故城河閒府志在南皮縣南五十里今名臨

重修天津府志

卷二十一

古蹟

三光緒戊戌

津店

縣志云今爲村

宋熙甯六年省臨津縣入南皮方輿

紀要臨津城在縣西南六十里本東光縣地東魏

置胡蘇縣於此爲渤海郡高齊廢一云高齊置後

周廢隋開皇十六年復置胡蘇縣屬德州劉煦曰

縣置於胡蘇亭因名唐武德四年屬觀州六年改

屬滄州又移滄州治焉貞觀初滄州移治清池胡

蘇縣還屬觀州十七年州廢仍屬滄州天寶初改

爲臨津縣貞元二年改屬景州州尋廢還滄州天

祐五年仍屬景州五代時又改屬滄州宋初因之

熙甯六年省入南皮縣爲臨津鎮今臨津店

俱同上

舊縣鎮方輿紀要在南皮縣東南三十里或云卽

晉新樂舊治前志

馬明鎮金史地理志在滄州南皮縣同上

曹公固畿輔通志在南皮縣東南二里曹操因京

兆雋不疑冢爲固以攻袁氏因名舊通志在縣東南

二里舊志云漢青州刺史雋不疑冢也高五丈有

奇曹操攻袁譚因冢爲固故名方輿紀要

醺友臺在南皮縣北半里舊通志魏文帝與吳質等

重遊南皮築此臺醺友故名又名射雉臺太平寰宇記

石苞臺在南皮縣南十三里舊通志

重修天津府志 卷二十二 古蹟 三 光緒戊戌

觀臺在南皮縣東四里舊通志袁譚所築魏武擒譚

於此太平寰宇記又名袁侯臺舊志誤以射臺當之立

石其前更爲取京觀意大謬縣志

封臺在縣東五十里張二橋東古封鉅所居同上

五龍鄉在南皮縣南五十里相傳有五龍見於此

日有雲氣覆於上禱雨輒應河間府志

寒冰井在西南百步傳爲黃帝時穿之云伯益所

修卽魏文帝沈李浮瓜處縣志

古益井在五龍岡下時見雲霧爲傳說所穿亦名

覆盆井同上

石崇宅在南皮縣城內舊通志

王早居在壘城村東今仍呼早王家縣志

范丹居在古皮城西蓋當年避黨錮之禍因投棲

於此同上

刁公樓在縣東南七十里一名尙書樓晉尙書刁

協故居舊通志

高適故里在南皮縣東南六十里今改夜珠高家

同上

遇土亭在縣西北三里相傳暴勝之遇雋不疑處

大清一統志

重修天津府志

卷三十一

古蹟

光緒戊戌

魏家莊畿輔通志在南皮縣西六里元至正年董

搏霄守長蘆屯兵於此方輿紀要元至正十八年

董搏霄守長蘆屯兵魏家莊為山東羣盜毛貴所

襲戰死處也前志

鹽山縣

高城故城在縣東南漢縣寰宇記鹽山縣在滄州

東六十里本春秋無棣邑漢置高城縣故城在今

縣南四十里按水經注浮水首受清河於浮陽縣界東北經高城縣之苑鄉城北又東

經章武縣之故城北又東經篋山北魏土高齊天

地記曰高城東北五十里有篋山長七里
保七年移於今地隋開皇十八年改為鹽山縣以

東南鹽山爲名縣志舊城鎮在縣東北三十里明
洪武九年移治香魚館卽今治大清一統志今治東南

二十里形勢基址今猶完整漢書巴肅傳注高城

故城在今滄州鹽山縣城南方輿紀要謂縣南六

里疑有脫字漢縣治此劉煦曰舊縣在縣南是也晉書

慕容儁載記趙故章武太守賈堅率郡兵邀慕容

評戰於高城評擒之於陣斬首三千餘又慕容儁

以賈堅爲樂陵太守治高城苻丕載記以高城侯

苻紹爲鎮東將軍督冀州諸軍事進爵郡公紹先

以高城降慕容垂聞丕稱尊號遣使謝罪皆卽此

重修天津府志

卷三十一

古蹟

一西光緒戊戌

城縣志爲卍兮城者卍兮之誤誤於千童字義相

近前論之詳矣若高城卽舊饒安之說尤屬無稽

攷漢書渤海郡屬有高城千童後漢改千童曰饒

安與高城無干晉魏周隋皆兩縣並立高齊移高

城於大留里隋改縣名曰鹽山其時饒安自在唐

遷饒安治所宋廢爲鎮與舊饒安鎮並入清池史

有明文清池今之滄州其時鹽山亦自在何得謂

饒安乎謬甚

千童故城今舊縣鎮本秦縣前漢屬渤海郡後漢

改曰饒安輿地志因高城縣東北境書有卍兮城
指爲千童故縣方輿紀要及府縣志從其說遂併
卍兮饒安千童爲一城謬甚蓋千童縣城在今治
西南五十里與東北卍兮城遠隔一百二十里何

谷相混上同按水經注無棣溝枝瀆上承無棣溝

南經樂陵郡西又東南經干童縣故城東史記建

元以來王子侯者年表曰故重也一作干鍾漢武

帝元朔四年封河間獻王子劉陰為侯國應邵曰

漢靈帝改曰饒安也滄州治再案魏書地形志滄

州浮陽郡饒安縣注云二漢屬渤海前漢曰干童

靈帝改饒安有無棣溝西鄉茅蕉冢據此則後魏

之滄州治在饒安即漢干童縣也新通志

饒安故城一舊縣鎮距今治五十里即干童故城

戰國時屬齊史記趙龐煖攻齊取饒安漢為干童縣一統志云在滄州東

重修天津府志 卷三十二 古蹟 三

南漢元朔四年封河間獻王子擔為侯國屬渤海郡東漢靈帝時改置饒安

縣大清一統志北魏屬浮陽郡熙平二年置滄

州治焉一統志云後又為浮陽郡治隋開皇初郡廢仍屬渤海郡唐初

移縣治故干童城州治亦從徙貞觀中又移縣治

故浮水城一統志云此城遂廢一新縣鎮即浮水城距今治

三十里隋析高城地置浮水縣後省入鹽山城即高城

唐武德元年復析鹽山地置之後又省入鹽山貞

觀十三年移饒安縣治於此宋熙甯中因避河患

又移治於張為村縣旋廢為鎮併入清池今滄州金

史清池縣有新饒安舊饒安鎮也周隋以前之饒

安千童故城與高城本屬兩縣自唐貞觀以後饒

安移治浮水今新縣鎮宋熙甯時省入清池

國朝雍正初以舊縣鎮二十七村莊撥歸鹽山鹽山

始兼千童改置之饒安矣縣志

章武城在縣西北漢縣屬渤海郡東漢省晉為章

武國後魏置章武郡隋開皇初郡廢河間府志

按縣志漢為定縣柳縣為高城為千童為章武據

畿輔通志縣本漢高城又有柳縣故城縣志又有

卬兮城卽千童則以為高城柳縣千童縣可也若縣

之章武城本舊志說方輿紀要非之謂章武城在

重修天津府志 卷三十一 古蹟 天津光緒戊戌

大城縣蓋卽元魏章武郡城及西章武縣城也若

浮陽郡之章武縣城卽滄州之乾符故城俱不在

鹽山前志案縣志有章武考駁此亦自有據因文繁不具錄

柳縣故城在縣東漢元朔四年封齊孝王子陽已

為侯國屬渤海郡後漢省水經注浮水東北逕柳

縣故城南地理風俗記曰高城縣東北五十里有

柳亭又名柳邱故縣也世謂之辟亭非也寰宇記故柳

城在鹽山縣東七十里縣志在縣東五十里清一大

統志

卬兮城在今治東北七十里輿地志高城東北有

卯兮城秦始皇遣徐福發童男女千人至海求蓬萊因築此城僑寓男女號曰卯兮漢因置千童縣後漢改曰饒安府縣志皆從其說考水經注無棣

溝又東逕新鄉城北地理志之高樂故城也

卽今之南

皮董村

溝分爲二無棣溝

幹又東逕樂陵郡北又東

而北出又東轉逕宛鄉故城南又東南逕高城縣故城

時縣城尙未遷徙故字疑衍

南與枝瀆合枝瀆上承無

棣溝南逕樂陵郡西又東南逕千童縣故城東史記王子侯表故重也

一作千鍾靈帝改曰饒安也

滄州治又南東屈東北注無棣溝

幹

又東北逕功

重修天津府志

卷三十一

古蹟

三光緒戊戌

城北又東北逕鹽山入海約二溝大勢皆由西南而東北幹瀆自樂陵北歷逕高城南枝瀆逕樂陵西又東南逕千童縣東辨其形方枝瀆在南幹瀆在北千童實在高城西南輿地志謂千童在高城東北因以卯兮城當之或將無棣溝之幹瀆枝瀆作一水讀則言逕千童城在高城後且千童與卯兮義近致有此誤而曰重曰鍾劑又何覈况高城東北爲卯兮南爲樂陵人皆知之水經明云樂陵郡西又東南逕千童如指卯兮爲千童是樂陵應在高城西北方向不合舊唐書武德元年移饒安

治於平童即干童故城貞觀十二年復移治於浮水

故城故有舊饒安新饒安之稱宋俱廢為鎮併入

清池今史清池縣有舊饒安鎮新饒安鎮是干童

為饒安縣即今舊縣鎮其說明甚與州兮城毫無

干涉又何得以州兮城當干童而統指之為饒安

縣耶惟州兮城之名傳之已久如境中宛鄉城合

騎城雖非古時縣邑而因事立城或自有說在也

縣志

平津故邑在縣南漢書恩澤侯表平津侯公孫宏

元朔三年封在高城括地志平津鄉在鹽山縣南

重修天津府志

卷二十二

古蹟

光緒戊戌

四十二里大清一統志

合騎城在縣北漢書功臣表合騎侯公孫敖元朔

五年封在高城舊志在縣北七十五里今訛為鄒

隄城同上

宛鄉城今無考案水經注浮水自浮陽東北逕高

城縣之宛鄉城北又東經章武縣之故城北又無

棣溝逕樂陵郡北又東屈而北出又東轉逕宛鄉

故城南考此城與漢章武縣城約其方隅均在鹽

山西北境而章武名最著宛鄉侯封故祇稱城固

不同章武故城之可名故縣也縣志

伏猗城長蘆鹽法志在鹽山縣韓村北相傳猗盧甚盛特築此城以防之志語未甚明晰考元魏之先有猗盧者居定襄之盛樂地與鹽山隔遠晉懷愍時日盛而忠於帝室會遣兵助戍晉陽勿庸設戍防之也此城之築載鹽法志或葦蘆盛時藉以防梟徒歟俟考

功城水經注在無棣溝東北經故城北世謂之功城也又東北逕鹽山入海

甘羅城在望樹鎮西南故址尙存旁有讀書臺相傳秦甘羅會寓此臺讀書俱同上

重修天津府志

卷三十一

古蹟

无光緒戊戌

傅家營方輿紀要在鹽山縣南五十里又南接山東海豐縣境舊置戍於此前志

雞籠鎮河閒府志在鹽山縣南

海豐鎮海潤鎮利豐鎮幞頭鎮金史地理志在鹽山河閒府志海豐鎮在鹽山縣北九十里瓦礫成嶺綿互里許

大留里河閒府志鹽山舊縣治此俱同上

武帝臺在縣東北七十里韓村鎮東三十里此南

臺也

舊通志

香魚館河閒府志洪武二年吳文靖自大留里移

鹽山縣居於此按卽今書院猶沿其名明陶安徵時嘗夜行至香魚館詩以記事時在元末縣尙未

移治也府志謂卽舊城誤矣縣志

拱辰臺在城北高出城垣今圯明辭廷熙拱辰臺記鹽山志載縣城

圍九里高三丈有奇郭門三上有重樓角樓四敵臺二十有四巡鋪各一池深澗各丈五尺護城隄

高廣各丈餘周環其外蓋鉅邑也歲久城駸就圯傾天津兵憲隴西曹公按部於鹽以城守為亟務

下檄鹽部應州王君允葺之時王君方視篆則偕邑史江右謝君賜宣力劬勞締雉堞浚濠塹越三

月城復巍然視昔加完美焉城北舊有小墩臺為邇卒瞭望之所君病其陋拓而崇之址廣三十尋

而餘高出城垣五尺許作亭其上勢甚雄壯落成舉燕辭子廷熙登焉極目浩漭顧瞻徘徊恍然有

古人江湖廊廟之想乃命其臺曰拱辰云曩薛子讀天文書惟極辰居太乙帝座之中其外為列垣

重修天津府志

卷二十二

古蹟

光緒戊戌

又其外為九垠八柱精耀相屬動若轉轂故孔子曰居其所而眾星拱之以象君道立臣極也國家定鼎西北六合之內大都小邑星羅棋布卽遐陬僻壤咸與拱極之思矧鹽為畿甸近輔尺五神京耶是故登斯臺焉仰瞻魏闕體九重宵旰之心兢兢焉奉將德意以奠蒼赤收牧甯則長城保障若增而高庶幾哉不負斯臺之義矣於是王君拜謝曰難哉先生言允不敏敢不三復斯義遂扁而揭之辭子閩人監學鹽校於官為古外史得記其事時隆慶二年冬十月望日也

王忠肅公居第忠肅公居第三十餘年不改於舊

英宗特命有司起第於縣西有司承媚於外多列

屋若干公曰此非詔旨也悉拆去俱同上

慶雲縣

無棣故城在縣東相傳卽管仲所謂賜履北至於

無棣者隋開皇六年分陽信饒安二縣地置屬渤海郡唐屬滄州宋治平元年移治保順軍而故城廢元初又分其西界於故城置縣仍屬滄州齊乘謂其縣在縣城系樂初始改今名舊志故城在今縣東微南五里鬲津河東南元末毀於兵明洪武六年知縣楊思義移治鬲津河北岸卽今治案元和志無棣縣西北至滄州一百二十里今慶雲縣在州東南一百五十里然唐時滄州治清池在今州東南三十餘里則去無棣正一百二十里也宋志周置保順軍於無棣縣南二十里治平元年徙無棣縣於此今海豐縣在慶雲縣東南四十里縣志有故城在其縣西北二十里去慶雲正二十里則卽周爲保順軍宋爲無棣者也縣志以隋無棣在慶雲宋無棣在海豐其說甚覈從之一大清荻苴城在縣東接海豐界與無棣城相對覆鹵河界其中相傳爲龍且所據俗名龍且城舊縣志云在縣東城下舊有荻苴河直抵海豐縣漢武帝封朝鮮降將韓陶爲荻苴侯疑邑於此方輿紀要按前漢書功臣表荻苴侯韓陶以朝鮮相將兵漢圍之降侯五百四十戶據此可知俗傳之誤或又云龍且

重修天津府志

卷三十二

古蹟

光緒戊戌

城言當時龍且所據考漢書韓信已定臨淄東追齊王項王使龍且將兵救齊進與韓信夾濰水而陣一統志曰濰水在安邱諸城界韓信與龍且夾濰水而陣卽在此與今地杳不相及也前志

韓信壘在慶雲縣南二十里與荻苴城相對相傳韓信自趙下齊道經於此俗呼掛甲口舊通志

板達營方輿紀要慶雲縣南二十里志云宣宗征高煦時駐蹕於此前志

冶劍營縣志在閻家務河壩鐵滓纍纍如邱山相傳歐冶子鑄劍處河間府志同

重修天津府志

卷三十一

古蹟

光緒戊戌

鐵匠營河間府志鹽山縣鐵匠營在閻家務河壩鐵滓纍纍相傳元海運時冶鐵處按二說相似

又並在閻家務而冶鐵之代不同此似有傳會處

姑依志並存之案閻家務今屬慶雲非鹽山

分水鎮金史地理志在滄州無棣縣

長城隄方輿紀要慶雲縣南四十里勢如岡陵舊志以為齊之長城或云禹所築九河隄俱同上

漢王臺晉時漢劉恢為渤海所建長蘆鹽法志

延陵臺在慶雲縣西南七里舊通志

文星臺在慶雲縣東南隅舊志高可遠眺清曉見

日出海烟然奇觀也

同上

景星臺在慶雲縣城北

河間府志

觀瀾亭在鬲津南

縣志

秀野亭在慶雲縣城東

河間府志

慶雲館在慶雲縣治

同上

真味堂宋李之純故宅在縣境

新通志 宋李之純詩問渠真味若

為傳不著鹽梅也自全龜鼎大夫徒染指麩車公

子漫流涎胸中已有五千卷徽外更聽三兩絃此

老清饒何所嗜宦途嚼蠟幾多年

高岸古樹在慶雲縣西里許皮色如鐵枝曲折如

虬龍狀陰可數畝蒼古離奇直出雲表中微有痕

重修天津府志

卷二十二

古蹟

光緒戊戌

相傳唐宋時挽纜跡也

河間府志

附錄前志

九河故道禹貢兗州九河既道北過泲水至於大

陸又北播為九河同為逆河入於海爾雅九河徒

駭太史馬頰覆釜胡蘇簡潔鉤盤鬲津

郭璞注簡潔為二河

朱子孟子 孔安國書傳河水分為九河在兗州界

平原以北是孔穎達禹貢疏計禹九河云復其故

道則名應先有不宜徒駭太史因禹立名或九河

雖舊有名至禹治水更別立名鄭元云周時齊桓

公塞之同為一河今河閒弓高以東至平原鬲津

往往有其遺處春秋緯寶乾圖云移河爲界在齊
呂填闕八流以自廣鄭元蓋據此文爲齊桓公塞
之也言闕八流拓境則塞其東流八枝併使歸於
徒駭也漢書溝洫志許商云古記九河之名有徒
駭胡蘇鬲津今現在成平東光鬲界自鬲津以北
至徒駭其間相去二百餘里又王橫云往者天嘗
陰雨東北風海水西南溢出浸數百里九河之地
已爲海所漸矣邢昺爾雅疏九河之次從北而南
旣知三河之處則其餘六者太史馬頰覆釜在東
光之北成平之南簡潔鉤盤在東光之南鬲縣之
北也蔡氏書傳九河一曰徒駭二曰太史三曰馬
頰四曰覆釜五曰胡蘇六曰簡潔七曰鉤盤八曰
鬲津其一則河之經流也

欽定書經傳說彙纂漢氏近古止得其三唐遂得其六歐

陽恣輿地記又得其一或新河而載以舊名或一

河而互爲兩說要之皆似是而非又云九河已涇

漢唐以來諸儒就所見之斷港絕潢指爲某河某

河是非不可知然河自大陸以北順勢下趨禹時

九河自當在德州以上河閒數百里之地余氏闕

云自周定王時河始南徙而禹之故道失矣西京

時河入千乘而無棣之間又播爲八漢人指以爲太史馬頰者偶合於禹迹故訖東都至唐河不爲害者千數百年名山藏徒駭等河故道皆在河間滄州南皮東光慶雲獻縣山東平原海豐甯津吳橋諸處直達東海通典九河四在景成二在平原其太史簡潔未詳畿輔通志漢世近古諸儒考據精博緯圖中候非盡無徵至許商以奉命行視圖方略韓牧亦以能治河徵而或止得其三或僅求其四五則其餘之湮滅可知也唐宋以後去古寢遠舊迹日湮而杜佑通典李吉甫元和郡國志歐陽忞輿地廣記樂史太平寰宇記於徒駭胡蘇鬲津之外又得馬頰鉤盤覆釜簡潔四河惟太史未詳所在千年以前求之而不得千年以後竟一一犁然有其處所此可信乎抑不可信乎蔡沈曰或新河而載以舊名或一地而互爲兩說皆似是而非無所依據斯言誠是然據許商所云三河旣實有其地而孔穎達亦云九河之次自北而南旣知三河之處則其餘六者當亦在成平東光鬲縣之南北今考河閒府交河縣東有成平故城東光縣東有東光故城山東德州北有鬲縣故城皆漢縣

也川原平行沮洳盈望九河舊迹要亦不離此域
然或爲平疇或存枯瀆無論禹時故道不可復問
卽漢世所謂三河者亦在有無斷續之間矣禹貢
雖指林氏曰王介甫謂逆河者逆設之河並時分
流也其意以同爲逆河句釋上文播爲九河之義
如此則逆河卽是九河矣羅泌曰聖人於冀充開
逆設爲河以防暴至之患未至則不妨民耕旣至
則不墮民舍程秘曰禹因地之形而逆設爲九河
凡河之道則不見都邑不爲聚落不耕不收故謂
之逆河董鼎曰格言云逆河是開渠通海以洩河
之溢秋冬則涸春夏則泄此皆踵介甫之謬以九
河爲逆河而緣飾其辭也陳師道曰逆河者爲潮
水所逆行千餘里邊海又有潮河自西山來經塘
泊按潮河一名界河在今靜海縣西北受滹沱易
巨馬三水巨馬卽涑水合御河東至獨流口入海此河
在直沽口西亦不得指爲逆河明邱文莊濬又言
當於直沽入海之後依禹貢逆河法截斷河橫開
長河一帶收其流而分其水以逆河爲橫絕之河
承西漢之誤以上諸說總由不知渤海卽逆河而
求逆河於渤海之外遂愈求愈遠耳河閒府志南

皮縣九河故道渠岸尙存

徒駭

欽定書經傳說彙纂按今滄州之西交河之東北六十里

有徒駭卽漢滹池孔穎達禹貢疏徒駭是河之本

道東出分爲八枝李巡曰禹疏九河以徒衆起故

曰徒駭郭璞爾雅註徒駭在今成平

方輿紀要以徒駭歸獻縣

蓋本此

邢昺爾雅疏九河之次自北而南唐書地理

志在清池縣西五十里孫炎曰禹疏九河徒衆惕

不成故曰徒駭孔氏云在滄州景成元豐九域志

在故滄州西北二十里元和郡國志在山東齊河

重修天津府志

卷三十二

古蹟

光緒戊戌

縣景城齊乘河昔北流衡漳注之河既東徙漳自

入海焉知北流之漳非古徒駭畿輔通志今漳滹

沱之經行於瀛滄界者卽徒駭故道禹貢錐指今

漳水自鉅鹿又北歷南宮新河冀州東鹿深州衡

水武邑武強阜城獻縣交河青縣靜海大城寶坻

至天津鎮注於渤海卽古徒駭河之故道今德平

樂陵齊河濟陽慶雲海豐界有土河志以爲徒駭

妄也徒駭最北豈反出鬲津南哉河閒府志徒駭

故道在南皮縣北滄州志在廢清池縣西南三十

里按九河故道數千年聚訟紛紛卽徒駭一河已

人各異辭矣但據水經注淇水篇云淇水至東光縣西南會大河故瀆東北逕泉周縣入滹池又東逕漂榆邑入海漳水篇云衡水東逕建城縣故城南衡水又東左會滹池別瀆又東北入清河謂之合口則衛河自東光以下又與衛河並行大河故瀆海而漳水自合口以下又與衛河並行大河故瀆與漢地理志滹池卽徒駭之說可相參而得之漢志滹池至平舒入海蓋東平舒卽今大城縣未嘗瀕海則所謂至平舒入海者蓋由平舒至章武入海今子牙河爲滹池下流逕大城縣三角淀與水

重修天津府志

卷二十二

古蹟

光緒戊戌

經注合則漢志及錐指說信而有徵矣若所謂成平滹池成平今獻縣畿輔通志滹池入獻縣完固口分爲二支則漢志特據河水所經處言之非只謂滹池第在成平也夫滹池卽由三角淀入海則自三角淀入縣界至直沽其爲徒駭故道可知特贅此以備一說

太史禹貢疏禹大使徒衆通其水道故曰太史郭

璞爾雅注太史今所在未詳

通典及蔡氏書傳說同

元史地

理志太史在滄州南皮縣治北

明李賢一統志說同齊乘清

滄二州之間有古河隄岸數重太史等河當在其

地方輿紀要在徒駭之東河閒府志太史在古皮城南畿輔通志太史河自漢以上未知所在而忽得之于欽李賢自不足據禹貢錐指齊乘清滄之說庶幾得之

馬頰郭璞爾雅註河勢上廣下狹狀如馬頰

欽定書經傳說彙纂山東濟南平原縣北有篤馬河東北

經陵縣德平商河樂陵諸縣界其流或斷或續相

傳卽馬頰河元和郡國志在德州安德平昌二縣

東皇輿表安德今陵縣通典在平原縣界太平寰宇記篤馬

河卽古馬頰河在棣州商河縣北輿地記卽篤馬

重修天津府志

卷二十二

古蹟

光緒戊戌

河明一統志在東光縣界河閒府志在南皮城南

慶雲縣志在縣東南自樂陵西十五里經縣分水

鎮至城東南隅入高畿輔通志九河之次自北而

南以地計之當在東光境內李賢之說似爲得之

其篤馬在九河之南許商有明言何不一考也樂

史蓋誤認唐之馬頰爲古之馬頰耳元和郡國志

馬頰河久視二年開決亦名新河

卽上所引在蓋安德平原者

此水卽漢之篤馬河水經所云東北經安德縣故

城又東北逕平昌縣故城北者故瀆久湮唐復開

名爲馬頰所謂新河而被以舊名者也樂史不解

元和郡國志新河二字之義而指爲九河之一其
謬甚矣禹貢錐指德州治安德所領有蓆縣太平
寰宇記云馬頰河逕蓆縣是也而又云篤馬河卽
古馬頰河人皆斥其謬然唐自有馬頰河出澶州
新豐縣界東北流至平昌縣合篤馬河二水合流
並得通稱以篤馬爲馬頰不可謂謬謬在一古字
指爲九河之第三耳近志平原商河陽信界中並
有馬頰河皆唐之馬頰也

覆鬴郭璞爾雅註水中可居住而有狀如覆釜李
巡曰水中多渚往而虛形如覆釜方輿紀要鬴亦

重修天津府志

卷二十二

古蹟

早 光緒戊戌

作釜通典馬頰覆釜在平原縣界又云安德縣有
覆釜河

欽定書經傳說彙纂濟南府德州有覆釜河東北至海豐

縣入海滄州志覆釜河在慶雲縣南二十里河間
府志覆釜在南皮縣東南畿輔通志安德故城在
今山東陵縣德平界與甯津相近意覆釜自陵縣
歷甯津南皮而達慶雲平

胡蘇李巡曰其水下流故曰胡蘇胡下也蘇流也
孫炎曰水流多散胡蘇然漢書地理志渤海郡東
光縣有胡蘇亭

郭璞爾雅註作東莞
縣邢昺疏莞當作光

元和郡國志

胡蘇河在饒安縣西五十里太平寰宇記胡蘇河一名赤河其水赤渾色自臨津治逕饒安無棣入海齊乘滄州南有大漣澗西踰東光東至海非胡蘇河歟元史河渠志胡蘇河在慶雲縣西南河間府志胡蘇在南皮西城下滄州志胡蘇河在慶雲縣西南十二里慶雲縣志經縣分水鎮東北十二里會鬲河入海明工部郎中楊旦請開東光慶雲胡蘇河通海以洩衛河漲水疏下中止畿輔通志今滄州卽唐饒安慶雲卽唐宋無棣甯津卽漢東光宋爲臨津縣今其縣西有胡蘇亭正班固所云

重修天津府志

卷二十二

古蹟

光緒戊戌

在東光者太平寰宇記之言近之矣

簡郭璞爾雅註水多簡易李巡云簡大也其水深而大也

欽定書經傳說彙纂河閒府南皮縣城外有簡河史記正

義簡在欠州歷亭縣齊乘滄州大漣澗南至西無棣縣有大河名曰沙河皆瀕古隄茲非簡潔等河歟元史河渠志在南皮城外十餘步輿地廣記在臨津方輿紀要簡在渤海河閒府志在南皮城西慶雲縣志在縣南三十里舊河閒府志在滄州臨津縣

按慶雲新志以南皮篤馬河爲簡河亦非臨津今甯津北與南皮接界謂簡潔在此理或有之
潔郭璞爾雅註水多約潔李巡曰河水多山石治之苦潔潔苦也

欽定書經傳說彙纂河閒府南皮城外有簡河潔河二河相去甚近金史地理志南皮縣有潔河元史河渠志簡潔在南皮城外方輿紀要在渤海與簡相近河閒府志在南皮縣城西

按何喬遠名山藏河漕記云簡潔一水先儒誤分爲二此蓋指孟子集註言也據書經彙纂云孔穎達九河疏據郭璞爾雅註以簡潔爲二河朱子孟子集註因之曰簡曰潔分舉犁然蔡傳則據曾歐之說合簡潔爲一河林之奇嘗辨之以爲九河勢均安得以一爲經八爲支派當從孟子集註爲正又畿輔通志云簡潔二河爾雅明列爲九晉唐宋諸儒紀載相仍蔡傳獨宗歐陽恣之說合之爲一未免穿鑿合從孟子集註爲二河

鉤盤郭璞爾雅註水曲如鉤流盤桓也李巡曰鉤盤言河水曲如鉤屈折如盤也太平寰宇記在樂陵東南

皇輿表樂陵今武定州樂陵縣屬濟南府

從德州平昌來

輿地記通

欽定書經傳說彙纂樂陵鉤盤河自平原德平二縣界流

入至海豐縣東南入海漢書地理志平原郡有般

縣師古注九河之鉤般後漢書公孫瓚傳瓚出軍屯盤河將

以報紹註卽九河鉤盤之河其水經注篤馬河故

渠川派東入般縣爲盤河蓋亦九河之一也元和

郡國志在陽信縣北四十里金史地理志樂陵有

鉤盤河元史河渠志在獻縣東南八十里禹貢錐

指般縣故城在今德平縣東北河在縣南二十里

近志陵縣德平樂陵商河武定海豐陽信霑化界

重修天津府志

卷二十二

古蹟

光緒戊戌

中並有鉤盤八枝自鬲津而外此河亦有可據齊

乘曰東無棣縣北有陷河闊數里疑卽鉤盤河按

此河自樂陵分爲南北二派海豐舊志云南派在

縣南名鉤盤河東經霑化縣北又東至久山鎮入

海新志云北派在縣西北二十里自慶雲流入又

東北徑馬峪山前抵土河口入海今縣北盤河村

當以此爲名蓋北派卽齊乘所謂陷河也或曰陷

河卽篤馬河之別名許商云在九河齊乘指此以

爲古鉤盤恐非然許商亦就上流言之耳安知篤

馬下流非卽鉤盤之故道乎河間府志鉤盤在南

皮縣西北慶雲縣志在縣西南自德平西北樂陵東南經縣南由海豐霑化至九山入海。

鬲津郭璞爾雅注水多峴狹可隔以爲津而橫波李巡曰河水狹小可鬲以爲津邢昺曰自鬲津以

北至徒駭相去三百餘里漢書地理志平原郡鬲

縣平原當以爲鬲津

畿輔通志鬲津故城在今陵縣西陵縣唐安德也

欽定書經傳說彙纂德州西南有鬲津河東經吳橋甯津

德平樂陵慶雲諸縣界至海豐大沽口入海元和

郡國志鬲津枯河在縣南七十里河閒府志古鬲

津河在吳橋南亦名吳川又東逕甯津縣南又東

重修天津府志

卷二十二

古蹟

罟光緒戊戌

逕南皮南與山東樂陵分水太平寰宇記樂陵縣

鬲津枯河在縣西三里南皮縣志河在縣東南四

十五里又東逕慶雲縣南金史地理志無棣有鬲

津河又東北逕鹽山縣東南鹽山縣志河自慶雲

北入鹽山界崔家口又東逕海豐入海滄州志在

城南一百二十里俗呼老黃河方輿紀要鬲津在

鉤盤之北通典在獻縣之廢饒安縣輿地記在無

棣元史河渠志在慶雲縣又在樂陵縣西三十里

按古今陵谷變遷所在多有河又善徙禹迹茫茫

雖日履大陸以下求所謂禹河者而志之恐疑信

不免相參羣言淆亂固其宜耳况九河之名始於爾雅爾雅之作或以爲周公或云仲尼所增子夏所足叔孫通所益梁文所補今按其文如五方四極諸說既荒邈如山海經九州之名又與禹貢周禮不符且霍山以爲南岳又漢武帝事則先秦以下雜湊之文不少矣豈九河之名遂可信爲禹之舊乎又九河之名螯嶮險僻與緯書曜魄寶靈威仰等名相似是皆三代後矜炫奇袤之作與禹貢體制迥不相類秦漢人好立名色其習如此若以爲禹之所名斷不敢信也郭璞李巡就其名曲爲

之解穿鑿牽紐不可爲訓孟子云不如無書信哉竊按孟子謂禹行所無事則當時治水之要不過因諸水現在注泔之方爲之疏而道之若必鑿孔穿渠如漢書鑿龍門辟伊闕柝底柱破碣石諸說此數者所謂人功所造墮斷天地之性也何足爲行所無事嘗論六合之內本有天造地設境界如水源多發於西北東南注海有何人工可言又如江出岷山歷巴蜀之險與河之積石龍門大約相似而峽江以上未聞有鑿石開道者胡獨於河而或以爲鑿或以爲破至於九河胡獨不然禹貢之

言九河也第謂之道孟子之言九河也第謂之疏則不過因勢疏濬非強鑿九河以激之行且按水經地道如桑乾漳衛白潞巨馬沙冶諸水俱世所謂巨浸視灘沮灘淄有過之無弗及而禹貢一書第載衡漳之名他水曾未之及豈桑乾諸水禹時尙微無待於治耶抑治之而經有闕文耶竊謂禹斷無平地鑿九河之理桑乾諸水斷無不治自安之理所謂九河者當卽從桑乾諸水中就其近河者而分河水以寄之則言九河而諸水胥舉矣衡漳入河在九河未播之先故特言之今衡漳二水猶並行禹河故道則九河可知矣水經注不言滹沱者蓋因漢書徒駭卽滹沱故僅於河水篇序河之原委而已足也知徒駭之卽爲滹沱則太史以下又可知矣不但此也周禮大司徒川有衡澤有虞溝逆地防各詳其法九河大川必無闕塞及定王河徙至漢不過二百餘年豈有九河故道遂至湮沒卽不可復攷惜漢人舍桑乾諸水以別求其所謂九河故求之終不得其處後世愈求愈疑致眾說紛錯如此耳幸地理傳徒駭卽滹沱一語後之好古者猶得意會言之特存其說以待好古者

決擇焉

碣石慶雲縣志碣石又名馬峪山古屬無棣今折海豐爲九河入海處

按志說畿輔通志常辨之謂大河一由東光縣歷南皮滄州青縣靜海而達於天津此西漢時大河入海之道亦卽北宋時合永濟渠入海之道一由甯津縣經南皮東歷鹽山慶雲而達海豐是爲北宋時東流之道近有指東流爲禹河故道以海豐馬峪山爲碣石語多不經甚至謂善長南產不知北地高下按善長居范陽魏書有明文豈未之見

重修天津府志

卷二十一

古蹟

碣

光緒戊戌

耶此蓋爲縣志言之耳要之稽古者恃經與史觀水者有源與流禹貢大陸碣石在冀州九河在大陸之北河自龍門積石至大陸播爲九河同爲逆河入於海此源流之見於經者也漢書河水至章武入海宋志河合永濟渠注乾甯軍爲北流自魏恩至德滄入海爲東流此源流之見於史者也乾甯軍爲今青縣地滄州所隸雖廣而史以德州並言則其所謂滄州者蓋指鹽山慶雲言之蓋海豐在大陸之東故謂之東乾甯軍在大陸之北故謂之北若禹河至海豐入海則當曰東不當曰北播

爲九河又使碣石在兗則禹貢夾右碣石之文當在兗州不當在冀州且縣志第見漢書鬲津在鬲爲今山東境不知漢志明言徒駭卽滹沱由平舒入海豈亦得以海豐概之况據禹貢碣石之上有逆河逆河之上乃有九河今縣志不問逆河所在第謂九河在齊地則碣石亦當在齊不亦妄耶又况所引秦皇刻碣石門則彼碣石以秦皇刻碣得名與禹貢何與善長南產之說之謬又不必言矣按碣石之說不一天津縣志辨之甚詳其說曰漢書注臣瓚云禹河入海乃在碣石漢魏隋唐地志

重修天津府志

卷三十一

古蹟

巽光緒戊戌

言碣石者多以爲橐駝城據禹貢導岍及岐至於荆山逾於河壺口雷首至於太岳砥柱析城至於王屋太行恆山至於碣石入於海此所謂碣石也然曰逾於河則不可以爲導河故孔安國傳第以百川言之至於導河則不言碣石惟冀州曰夾右碣石入於河則碣石明在禹河海口之右故臣瓚有河由碣石入海之說宋黃文叔因謂導河不言碣石爲省文也然諸家之說本論碣石有不足爲禹貢之碣石證者據漢地理志右北平郡驪城縣有大碣石山遼西郡橐駝縣有碣石水元和郡國志

謂在遼西郡臨渝縣又或謂在驪城隋地理志及
通典文獻通考俱謂在盧龍唐地理志又謂在石
城明一統志謂在昌黎孔穎達疏亦謂在驪城水
經注同其說曰今枕海有石如堦宋本作甬道數十里
當山頂有大石如柱往往而見立於巨海中世謂
之天橋柱又方輿紀要載郭造卿謂昌黎縣有仙
人臺世謂之天橋柱地理今釋又謂今昌黎撫甯
杳無踪跡今有人自永平來者又多見天橋柱在
海中人謂之碣石其說錯出如此至通釋謂有三
碣石杜佑金仁山謂有左右兩碣石則又紛出不

重修天津府志

卷三十二

古蹟

光緒戊戌

一矣其傳會爲禹貢之碣石者大抵不離漢書說
據文穎云漢省棗縣入臨渝唐地理志謂石城本
臨渝又謂盧龍軍有昌黎戍畿輔通志謂漢驪城
唐爲石城又謂晉省臨渝爲肥如唐志又謂盧龍
本肥如畿輔通志謂棗縣爲今昌黎驪城爲今樂
亭則諸說俱本漢棗縣驪城言之但據畿輔通志
樂亭昌黎東西相距只三十里烏得便有兩碣石
據明一統志碣石山在昌黎西南五十里據畿輔
通志昌黎西南六十里至樂亭縣界則碣石去樂
亭只十里水經注又云碣石如甬道數十里則焉

知不綿亘於兩縣境中就昌黎言則以爲在昌黎就樂亭言則以爲在樂亭其實只一碣石耳又秦本紀始皇遊碣石刻碣石門武帝紀元封元年登碣石望海水經注漢武帝登碣石望海刻石地理志莽曰碣石據漢書圓碣方碑蓋以石刻言則焉知莽不因秦漢石刻而名之况名始於莽烏足混爲禹貢之碣石且據漢志兩碣石下無河水入海之文其言河水也第云至章武入海不及兩碣石又謂棗縣官水南入海碣石水南入官使河由此碣石入海則碣石之水何以不入河而入官若據山海經碣石澠水東流入河則碣石又在大河海口之西與諸家說尤不相符則禹河不由此碣石入海明白甚矣或謂此當以水經注海中之說爲是卽如漢地理志棗縣驪城明明有兩碣石元和郡國志以爲在臨渝或又以爲在驪城註兩存其說而不能決明一統志明謂碣石在昌黎今釋又謂昌黎杳無踪跡蓋惟山在海中故指之莫定其方求之莫得其處耳其說似矣然水經注之說亦有可疑者如云今枕海有石似酈時此石現在海岸人共見之且常見之矣繼又曰往往而見則仍

與三神縹緲等耳末且曰漢世苞淪洪波則所謂
枕海有石又何所指况所載三齊略記秦皇見海
神管子齊桓公見俞兒事其說近怪蓋善長習氣
如此不可據爲典要也或又謂河水旣由章武入
海則碣石當在章武漢書言章武不言碣石者此
王橫所謂爲海所漸蓋漢世已無遺迹故不言也
且碣石之在章武古亦有可據者據戰國策蘇秦
云燕東有朝鮮遼東南有碣石雁門之饒彘在燕
東與朝鮮遼東等不得謂之南據漢書言河間在
燕南是章武誠燕南也况魚鹽之饒古稱長蘆彘
車修天津府志

卷三十二

古蹟

三

光緒戊戌

雖瀕海不及萬分之一自不應舍此以言饒鄭元
謂此別一碣石在九門縣孔穎達謂驗九門並無
此山則焉知不卽在章武海中况據史漢武帝登
碣石望海地形志謂章武城有漢武帝臺水經注
以爲漢武望海處今滄州臺基尙存則碣石又當
在滄州海中其說亦是但茫茫海若無迹可求傳
會言之與桑驪諸說何異若以理論禹貢明言碣
石荀海岸實有此山則百家爭鳴當有實指所見
以正之者何至于百年聚訟而莫之決且據戰國
燕南有碣石漢志燕南不言碣石則淪海之說事

或有之王橫昌言於朝班固筆之於史當非無據而云然要之自禹貢言則碣石不過在逆河海口之右其以禹河至碣石入海特臣瓚說原非確有所據也今姑無論碣石之所在但禹河既由章武入海則碣石去章武當自不遠也

橫海軍河間府志唐以滄景德棣爲橫海軍開元十三年滄州治西南置橫海軍使貞元三年復置橫海軍節度使領滄景二州治滄州永貞十三年以德滄棣州隸橫海節度使長慶二年橫海節度使復領景州太和二年橫海節度使增領齊州三年罷橫海節度使尋復置更號齊滄德節度使保順軍金史地理志周置軍於滄州無棣縣南二十里開寶三年又以滄棣二州界保順吳橋二鎮之地益焉又云治平中徙無棣縣泊保順軍卽縣治置軍使

鬲縣城河間府志舊墟在鬲津河壩慶雲縣志鬲津廢址漢析無棣置鬲津縣在鬲津河壩

廢山縣河間府志索隱云在渤海

臨樂廢縣河間府志入滄州

滄溟廢縣河間府志元爲滄溟縣

范橋縣河間府志宋爲范橋鎮本名范橋渡今俱廢大觀時陞爲興濟縣

廢清州河間府志元太宗二年改清州爲清甯府甯州河間府志五代時陷契丹置甯州周克復之置永安縣

東鹽州河間府志唐武德中置 按上條皆見舊志據隋分陽信置無棣漢陽信屬渤海鬲縣隸河間無分置之說

詳地輿志

舊唐書武德四年竇建德分

饒安置鬲津亦非無棣又鬲縣在山東故城廢址安得在此又據畿輔通志臨樂卽臨津旣載臨津

重修天津府志

卷二十一

古蹟

光緒戊戌

不必復載臨樂渤海山縣不知所指又元史地理志滄州領清池樂陵南皮無棣鹽山五縣無滄溟之名則安有滄溟廢縣又宋史地理志以范橋鎮爲興濟縣而不名范橋縣又明改清州爲青縣未聞青縣治外又有廢清州又契丹改乾甯軍爲甯州周平三關置永安縣宋復置乾甯軍則乾甯軍與甯州永安及今青縣一耳未聞又有廢甯州又唐書地理志武德四年置州尋廢仍爲鹽山則州卽縣治非於縣外別建州也姑依舊志存之

以上俱照

錄前志

冢墓

天津縣

明少保殷尙質墓在城西善慶菴北天津人任遼東總兵陣亡賜葬於此縣志

國朝總兵俞懋墓在葛沽東南三里許懋字天行浙江紹興人順治壬辰進士歷任福建總兵以平臺灣鄭芝龍功授左都督

左都督李柏墓在稍直口南里許

提督李國柱墓在炒米店南半里

武定府徐觀孫墓在姜家井南二里

重修天津府志

卷二十二

冢墓

光緒戊戌

提督俞金鰲墓在葛沽東南三里許

張起之妻貞婦趙氏墓在東沽俱同上

貞烈墓在西門外半里葬譚應辰妻陳氏趙某妾

裘氏阮奇玉妻諸氏金振妻丁氏名四烈墓前志

於乾隆十九年葬貞婦殷氏乾隆五十九年葬貞

女袁進舉之聘室梁氏嘉慶十四年葬張延年之

妻李氏董有智之妻章氏道光七年葬烈婦李氏

道光十七年葬吳彬之聘室貞女史氏道光十九

年葬桂松年之聘室貞女尹氏今呼為十一座墳

青縣

漢參戶侯墓在縣南寰宇記在長蘆縣三十六里

大清一統志 俞宗濂按河閒獻王子免封參戶侯前志在州西北二十里茲依一統志入此

宋萊平章墓在縣南二十里萊村之北前志

杜將軍墓在縣南七十里今鎮名杜林墓

李參軍墓在縣南衛河西李家淺鋪之南

金寇公墓在縣西五里

元尹公墓在縣西五里子任監察御史至正閒立

碣詳金石 俱同上

靜海縣

重修天津府志

卷三十一

冢墓

光緒戊戌

元河閒路總管李進墓在城北固甯鄉詳金石 前志

諸路新軍總管李世和墓在城北里仁鄉詳金石

明欽天監監正張紳墓在城北里仁鄉翰林學士

劉璣撰誌俱同上

國朝前刑部左侍郎勵宗萬墓在縣境陳兆崙撰墓

誌銘新通志

滄州

趙武靈王墓在舊州城東南太平寰宇記州城東

南隅先有古墓高二丈唐貞元十三年增築外城

掘得銘云是六國時趙武靈王墓遂置祠云按趙

世家主父餓死沙邱宮應劭曰武靈王葬代郡靈

邱縣據此則墓不應在滄州今依舊志存之前志

唐漢南節度從事胡曾墓在忠孝鄉高丈餘周圍

十餘丈州志按前志州志此下尙載有高仁墓在長蘆郭家砦之東原云有清州高氏先

德之碑而不詳其年代事實茲故從闕

橫海軍節度使程日華墓從子懷信耐在將相鄉

俗呼程家林俱德宗時滄州節度使前志按舊志唐

程知節墓在州之將相鄉有土阜二南北相去不

滿百步南一阜高一丈周迴二十丈故者相傳知

節從征遼東道卒遂葬於此土人號其地曰程家

重修天津府志

卷二十三

冢墓

美光緒戊戌

林鄉曰將相鄉北一阜頗低以為山人既卜葬知

節亦卒因耐葬其說甚謬予考之唐書知節卒陪

葬昭陵在長安距滄州蓋風馬牛不相及其謬一

也太宗征遼時知節為瀘州都督實不俱行其謬

二也知節卒於高宗顯慶二年上距征遼時將十

三年今謂征遼道卒其謬三也此二墓者蓋唐橫

海節度使程日華及其從子懷信之墓而土人傳

訛以為知節耳何以知之德宗時立橫海軍節度

置司滄州日華以興元元年為節度使兼御史大

夫既卒子懷直繼之官至尙書右僕射嘗入朝從

兄懷信因代為節度既卒子執恭繼之官至司空封邠國公元和十三年改邠甯節度使程氏凡四世據有滄景之地而懷直入朝執恭移鎮則此兩阜為日華懷信無疑且程氏世鎮滄州將四十年史稱日華家人子弟列宿衛者三十餘人則在鎮留居者必眾故地曰程家林又日華父子兄弟皆建節鉞位兩府封上公故鄉曰將相鄉土人但見有墓輝赫若是莫知其誰直以所聞謬為之說如此

程篁墩集

橫海軍經略副使孫公墓在蘭家新莊西南

詳金石

重修天津府志

卷二十二

冢墓

光緒戊戌

州志

名州司兵姚府君夫人李氏墓在舊州城東南七

里

詳金石

滄州節度押衙檢校太子詹事宋自昌墓在後王

官屯莊北

詳金石

長樂馮廣清墓在舊州城西南

詳金石

義昌軍故衙前將劉士宏墓在舊州城東南

詳金石

幽州節度要籍祖君夫人楊氏墓在古元都鄉流

祥里

詳金石

魏國太夫人劉氏墓在州東六十里墳莊北義昌

軍節度使盧彥威妻

詳金石

滄州魯城縣令劉談墓在後王官屯村南

詳金石

宋工部侍郎張子思墓在舊州東墓久湮嘉慶二十年有耕者得其斷碣子思官工部侍郎文節公名知白嗣子

元管軍千戶魏尙忠墓在城東南一百里北良村

墓已無有殘碑

詳金石

按城東南九十五里劉家莊

東南有五臺相傳為康王墓亦名北陵俗名燕臺臺東南三里即北良莊昔名北陵蓋因此臺而名

也然臺圖雖有可攷而不詳其年代事實故從闕

重修天津府志

卷三十一

冢墓

光緒戊戌

明王子忠墓在聖佛莊有碑天順七年立

太子少保戶部尙書諡恭襄馬昂墓在城南七里

諭葬

南京戶部尙書張縉墓在河南蓮花池諭葬

刑科都給事中趙杲墓在城東

南京通政司右通政強珍墓在河西

都察院右都御史王紳墓在城南十里回回灣

太子少保南京參贊機務兵部尙書戴才墓在城

東八里屯諭葬

泰安州知州朱用錦墓在城東迎春寺

俱同上

廬墓孝子張公墓南陳屯有碑萬曆六年立采訪冊

掌廣東道監察御史王翔墓在城東南榮官屯係

鹽山人萬曆十一年立俗呼王天官墓今碑沒入

土中惟墳前二石獅尙存同上

龐燦然墓在舊州城北有誌功碑今州志

國朝誥贈內翰林宏文院侍講呂詠墓在城東六里

鞠官屯

戶部左侍郎王公弼墓在河西

戶部尚書戴明說墓在八里莊

翰林院編修劉果實墓在集北頭

重修天津府志 卷二十二 冢墓

光緒戊戌

山東巡撫張逢堯墓在城東三里莊

廣東按察使司按察使李廷揚墓在州南六撥村

江蘇蘇松太道李廷敬墓在州南六撥村

甘肅按察使司按察使吳沂墓在城西北河西陳

屯

內閣侍讀學士葉汝芝墓在城南三撥村俱同上

李經國墓在華嚴淺孫奇逢撰墓誌新通志

南皮縣

周尹吉甫墓在縣西三十里高三丈前志古老傳云

墓有樹二株自有墓以來卽有此樹柯條鬱茂不

覺其老俗呼年長樹

大清一統志

按墓在縣西十里牛

家堂西

縣志

大興翁方綱奉

勅遣祭尹吉甫墓十六韻

帝念周賢弼東都六月詩何年因北伐表墓在南皮志乘

傳鄉校祠銜具太師瞻言今近郭惜少古豐碑沃

壤開塋域高原想屋基七言光典籍千載

聖題詞自昔推為憲於今日秉彝蕃宣功懋矣孝友誼同

之韓奕崧高什車攻吉日時以匡王國績不僅太

原駟子姓今存否

皇心重念茲邑沿秦代置地指縣西陂父老徵前紀傳聞

到伯奇文章於雅列人表以宣隨臣得從春蹕欽

承薦醕卮清風聆萬古

天語穆來吹

漢雋不疑墓在縣東南二里

前志

高五丈魏太祖因

不疑冢為固以攻袁氏因亦名曹公固

大清一統志知

重修天津府志

卷三十二

冢墓

卒光緒戊戌

縣李正華立石表墓

縣志

鮑宣祖墓在高樂故縣城東

同上

晉石苞墓在縣城西十二里城冢記南皮有石苞

墓

前志

北魏刁協世墓在刁公樓

同上

刁遵墓誌載窆於饒

安之西南孝義里今無攷其時渤海饒安即今之

舊縣鎮熙平二年改屬浮陽郡遵卒於熙平元年

故猶稱渤海

詳金石縣志

唐賈耽墓在縣東有權德輿銘

大清一統志

夏侯義墓在城東北里許

詳金石縣志

宋賈黃中墓在縣城東前志

明徐廷錫墓在臨津店南大學士李時銘

張璿墓在城西北十六里審廠新莊東南

張淮墓在城西南都御史張璿俱同上齋孫玉冊

瑛耐側縣志

湯賓墓在城東十里修撰蕭良友前志銘

張謐墓在縣西南三里右通政李觀光銘

鄭金墓在城東南吏部侍郎諸大綬銘

高瑞麟墓在西關外

劉顯道墓在城西十五里行太僕寺卿莊涖民銘

重修天津府志

卷二十二

冢墓

光緒戊戌

李騰鵬墓在縣東南里許尚寶司卿王嘉言銘

侯楹墓在縣北寶家嶺謚忠端刑部侍郎孟兆祥

銘

國朝湯鉉墓在祖賓墓側山東巡撫翰林祕書院學

士劉芳銘

柴克振墓在城北三十里馮家口俱同上貴州道御

史宮夢仁縣志銘

黃家棟墓在城西三里原任戶科給事中莊憲祖

銘前志

張永譽墓在城西南三里會祖謚墓側原任戶科

給事中莊憲祖銘上同曾孫莊耐墓側縣志

柴堪棟墓在父克振墓側知縣劉址銘前志

吳推己墓在城南五十里虹縣知縣劉慶藻銘上同

男維哲耐側縣志

湯裔振墓在高祖賓墓側武城縣知縣石潤廣銘

前志

侯堪墓在城北五里許張家口翰林國史院檢討

卽墨藍潤銘

侯幼鉉墓在堪墓側吏科左給事中滄州劉大謨

銘俱同上

重修天津府志

卷二十二

冢墓

李光緒戊戌

張遴多墓在縣東南五十里封臺孫鏢耐墓北縣志

張卿子墓在縣北六里金沙嶺子金城耐側

張慶長墓在縣北三里李家莊子端城孫志詠會

孫春育均耐側

劉有銘墓在城東南五十里黑龍村俱同上

鹽山縣

漢公孫宏墓在今治城中西北隅地名封墩又名

無影臺縣志邑人劉曾璈登無影臺詩西北有

互我來升其顛荆榛時窘步古樹連荒城望望但

烟霧自昔稱無影此名豈虛附胡為遞層陰晚景

數薄暮可知幻與真變遷無定

世類皆然達觀應自悟

漢魏朔母墓在村店東南故老傳聞年遠無稽

唐許元遇薦福墓在城北二里許有墓碣咸豐初

年耕者得之後移於文廟詳金石俱同上

明王翱墓在縣西舊志在縣西帽架園南十五里大清一統志

成化二年諭葬彭時撰神道碑前志

楊文卿墓在城南七里許言詩撰墓表大清一統志 邵

均牛留村訪揚鷗海墓詩鷗海幽靈何處棲牛留

道望故人遠離離古岸風千樹寂寂荒原雨一犁

高價山來播渤碣奇文當日指星奎

李法墓在城西楊文卿撰墓碣縣志

曹梅墓在城東北六十里王好問撰墓表光緒戊戌

程道南墓在城西二里邑人趙洪籙撰墓誌俱同上

七女冢在舊城南傳有生七女者死後女為抱土

築墳因名前志

宋家塋在縣趙順里塋中多琢刻者世傳古有貴

戚葬此

劉稱墓在舊城西北稱字君衡漢裔

許孝子墓在城北許孝子莊去縣二十里年世莫

攷俱同上

國朝邵汝德墓在城北二里自著墓誌縣志

劉澤霖墓在城西北里許知縣黃貞麟撰墓誌

趙景皋墓在城南四十里韓茨撰墓誌

霍恪墓在城西三里劉泳撰墓誌

孫嵩墓在城東二十五里劉果實撰墓誌

孫嶽墓在城東北二十五里劉果實撰墓誌

劉适墓在城東里許知縣梁兆榜撰墓誌

趙鑑墓在城東六十里霑化吳湘撰墓誌

孫述庭墓在城東二十里陳官俊撰墓誌

劉曾璇墓在城西二里許徐宗幹撰墓誌俱同上

慶雲縣

周吳季札子墓在縣西南七里延陵臺旁大清一統志

重修天津府志

卷二十二

冢墓

畚光緒戊戌

按小戴記檀弓云延陵季子適齊於其返也其長

子死葬於贏博之間註疏以為齊二邑又以贏在

泰山南近齊臨淄返吳當葬於齊南不應北葬於

慶雲據漢書地理志泰山郡有贏博二縣則其墓

當在其間縣志或因贏州博野而傳會之耳縣志

旭題延陵臺詩何人埋骨此荒臺爭說三號季子

回論地幾同千里遠傳疑已過百年來詩歌憑弔

終多誤賢喆遺蹤未忍猜大有豪華留古冢斷碑殘表不堪哀

漢魏王豹墓在縣城東四十里前志

李左車墓在縣東北五十里
後唐中書侍郎同平章事李愚墓在縣南一里

元棗陽副萬戶府齊秉節墓在延陵臺側明初有碑

誥封四川左布政使甄公墓在縣南四十里實在蒲縣寄籍祖墓在慶

山西左布政使胡欽墓在縣東偏南二十里

四川按察司副使張問之墓在縣南一里張龐撰

墓誌

承德郎東平州判官陳光大墓在縣西一里

玉田教諭楊粹夫墓在縣南一里

山西太原興縣知縣陳在庭墓在縣西半里

重修天津府志

卷二十一

冢墓

空光緒戊戌

棗強教諭王巍墓在縣南二里

襄陽縣丞胡璜墓在縣西三里

孝感縣知縣王者佐墓在縣東十五里俱同上

國朝鞏昌府同知崔養重墓在縣南一里縣志

金華副將陳喜墓在縣東二里

黃州府同知王定鼎墓在縣東三里前志作江西通判

潁州知州劉夢楫墓在縣西二里

南陽總兵陳廷桂墓在縣北一里

潮州總兵劉允桂墓在縣東一里

甘州守備劉揮墓在縣西二里

工部員外郎劉廣恕墓在縣西二里

贈雲南糧道蒲縣知縣崔旭墓在縣南一里

戶部郎中李楨幹墓在縣南四十里

俱同上

重修天津府志

卷二十二

冢墓

奕光緒戊戌